




# Comunité da San Ciascian

ploania.sanciascian@rolmail.net - tel. 0471 849474

PLATA DLA CÜRA n. 05 dal 16-03 al 29-03-15



## Confesciuns por Pasca

Jöbia, 26.03 dales 16.00 por i scolars dla mesana, te dljia

Vëindres, 27.03 dales 20.00 por ëles y ëi, te dljia, cun siur Gustl

Mercui, 01.04 dales 20.00 por jones y jogn, tl salf di jogn y dedò te dljia, cun siur Pire

Jöbia Santa 02.04 dales 15.00-18.00 te dljia, cun siur curat

Sabeda Santa 04.04 dales 15.00-18.00 te dljia, cun siur curat



## FÀ GRANARES DAL'ORÌ

sabeda ai 28.03.15  
dales 13.00 ales 15.00  
te scola elementara.

S'anunzié cina  
la domënia ai 22.03.15  
pro Salvester  
al tel. 333/72 47 516.

L'cost é de 10,00 €.

## Forum dla sinoda: baia inçe tö para!

Con le Forum dla sinoda ai 21 de merz 2015 tla fiera a Balsan vëgnel sonè ite la terza y ultima fasa dla sinoda diozejana. Sot al moto "agi/fà" dess i sinodai - con la colauraziun de dotes les porsones interessades - elaborè cina d'otober provedimënc, aziuns, scomenciadies por realisè concretamënter les vijuiuns svilupades cina sègn te deplü sentades dles 12 comiscions di sinodai instësc, te manifestaziuns davertes a düc y te discusiuns.

Ai 21 de merz dales 9.00 ales 18.00 aste inçe tö la poscibilitè de portè ite idees, propostes y aziuns concretes por miore la dljia locala tl dagn: al sarà stonc con les 12 tematiches dles comiscions, discusiuns davertes sön tematiches importantes y al sarà la poscibilitè de baiè para.

Al vëgn inçe pitè n program rich de cornisc por pici y gragn: "Animativa", le ciastel, Skinart, cafeteria y restoraziun, Walk Acts de Caracho, teater y musiga, n concert di "Chorusum" dales 12.40 y dla "The Independent Band" dales 17.15.

Le program detaliè é da ciafè ti jorantins aposta o inçe sot a [www.bz-bx.net/synode](http://www.bz-bx.net/synode) olach' al é inçe les domandes de aprofondimënt sön vigni tematica.

Por deplü informaziuns pon scrì a: [synode@bz-bx.net](mailto:synode@bz-bx.net) o telefonè al 0471/306 288.

*Le team dla sinoda se conforta sce tröc tol pert!*

## Rèi de oraziun por la sinoda

Cun l'scomenciamënt dla sinoda da d'altonn dl 2013, àl inçe metù man na rèi de oraziun por la sinoda, danter les ploanies dla diozeja. La ploania da Reschen à metù man ai 30.11.2013, sciöche prùma y dai 21.03 ai 19.04 ti tòchela al decanat Val Badia.

Al vëgn passè da ploania a ploania n "Gebetskoffer", che contëgn na ciandëra (che vëgn impiada tratan mëssa), la oraziun por la sinoda, na spaternöra cun 281 goröi (che sta por les 281 ploanies de Südtirol) y n liber cun plates ötes, te chël che vigni ploania po scri ite o n pinsier sura la sinoda, o na suplica, o n test o inçe l'abeli cun na fotografia. Cun la mëssa de concluijuun dla sinoda ai 08.12.2015, se stlùj inçe l'cèrtl de oraziun. Na ploania dl decanat da Sterzing, ti surandà, te chësta ocaziun, l'liber al vëscò.

L'cufer resta te vigni ploania por dui dis y tratan chisc dui dis, vëgnel perié te formes desvalies (adoraziun, S.Mëssa o ater) por che l'laür por la sinoda portes de bogn früc.

L' "cufer" sarà a S.Ciascian dai 28-29 de merz y al gnarà perié por la sinoda tratan la pefestiva (28.03) y tratan la gran mëssa en Domënia dal Ori (29.03).



## ORARE DLES MËSSES

Lünesc	16-03	dales	7.25	S.Mëssa	† Pitscheider Nando
				S.Mëssa	†† Ploner Giuvani y Epifania
Mertesc	17-03	dales	7.25	S.Mëssa	ad intenziun
				S.Mëssa	†† Dalpiano
Mercui	18-03	dales	7.25	Aniversar	† Trebo Walter
				S.Mëssa	†† Obojes
Jöbia	19-03	<u>Sant Ujöp</u>	dales 19.30	Aniversar	† Dapunt Giuvani
				S.Mëssa	ad intenziun
Vëindres	20-03	dales	7.25	S.Mëssa	† Irsara Franz (KVV)
				S.Mëssa	† Pitscheider Paul
		dales	19.30	Via Crucis	(Grup dla Prüma Comuniun)
Sabeda	21-03	dales	17.30	S.Mëssa	† Mangutsch Rudl
				S.Mëssa	† Ruazzi Maria
<b>Dumënia 22-03</b>	<b>5<sup>a</sup> de Carsëma</b>				
	dales		6.00	S.Mëssa	pur fam. Canins Enrico y Elia
	"		8.30	S.Mëssa	†† de fam. Canins Enrico y Elia
	"		9.00	Via Crucis	(Uniun di Èi)
	"		17.30	S.Mëssa	pur la comunité
				S.Mëssa	pur fam. Dalpiano Carlo y Luzia
Lünesc	23-03	dales	7.25	S.Mëssa	† Pescollderrungg Giuvani
				S.Mëssa	†† Vittur Giuvani y Fefa
Mertesc	24-03	dales	7.25	S.Mëssa	† Ploner Maria
				S.Mëssa	† Ploner Oliva
				S.Mëssa	† Foppa Angelina
Mercui	25-03	dales	7.25	S.Mëssa	† Dalpiano Nato
				S.Mëssa	† Corisell Angela
				S.Mëssa	†† Agreiter Emma y Walter
Jöbia	26-03	dales	7.25	S.Mëssa	pur fam. Vittur Salvester
				S.Mëssa	pur na porsona amarada
				S.Mëssa	† Crazzolara Vica
Vëindres	27-03	dales	7.25	S.Mëssa	† Mangutsch Giuvana
				S.Mëssa	pur i cristiagn perseguità
				S.Mëssa	ad intenziun
	dales		20.00	Confesciun pur Pasca	pur òi y èles (Siur Gustl)
Sabeda	28-03	dales	17.30	S.Mëssa	ad intenziun
				S.Mëssa	† Irsara Genoveffa
				S.Mëssa	ad intenziun
<b>Dumënia 29-03</b>	<b>Dumënia dl Urì - Scomenciamënt dl'Edema Santa</b>				
	dales		6.00	S.Mëssa	† Canins Werner
	"		9.00	Benedisciun dl'Urì sön plaza,	S.Mëssa pur la comunité
	"		17.30	S.Mëssa	† Irsara Franz

## 19. MARZO - FESTA DI SAN GIUSEPPE

„Già da anni ho l'abitudine di chiedere una grazia speciale in occasione della festa di san Giuseppe. E sempre sono stata esaudita. Se la mia preghiera è meno buona e non tanto in accordo con la volontà di Dio, allora lui sa come cambiarla in maniera straordinaria in meglio, cosicché alla fine risulta ancora più a favore mio“.

*Santa Teresa di Avila*



La comunité ti fej les mius aodanzas a berba Sepl Gira che cumplësc 85 agn ai 18-03 y a berba Pasquale Glira che cumplësc 86 agn ai 26-03.

- Curs de preparaziun al maridé: le Sorvisc ai jogn Val Badia mèt a jí en curs de preparaziun al maridé, dai 10 ai 12 d'aurí a Oies. Le curs mèt man le vëindres, dales 20:00 y se ròia la domënia cun la marëna. Le cost é de € 130,00 a pêr (curs + 2 iadi marëna). Por informaziuns y iscriziuns, preibel cherdé sö te SaJ tratan i orars d'ufize. Le termo por les iscriziuns é ai 8 d'aurí.
- S'arjigné ca al Bato: La Uniun dles Ères Catoliches de nosc decanat inviëia düc i geniturs che à n pice möt da batié, pêrs che aspeta, toç y totes de nosc decanat ala preparaziun dl Bato, che vëgn tignida en sabeda ai 21 de merz dales 15:00 ales 17:00, te salf de colonia a La Ila. Prenotaziuns al nr. 0471/849372.
- Le KVV de Badia mèt a jí te biblioteca a Pedraces cursc de inglesc a mèt man dal 23 de merz inant. Por infos y prenotaziuns cheredede le nr. 0471/839657 o 333/1591599 (Cristina)
- Festa di jogn da Pasca de mà a Salzburg: adöm a d'atri 7.000 jogn vëgnel festejé la gnöda dl Spirit Sant cun çianties, musical, de beles catecheses, S. mëssa, adoraziun, workshops y n gröm de divertimënt. An pëia ia ai 22 de mà incër misdé a La Ila y rüva zoruch ai 25 de mà incër les 20.00. Al vëgn dormì te scores. Invià é jogn dai 14 agn insö. L'cost è de ca. 110 Euro. Informaziuns ciafon sot a: [www.loretto.at/event/pfingsten15](http://www.loretto.at/event/pfingsten15). Dër important: dan la prenotaziun online, scrì n @ a [renate@valentini.cc](mailto:renate@valentini.cc) y ara te menarà dotes les informaziuns nezesciares por te prenotè!